

Sarajevo, 1102 - 1490 INT

Broj: 14.12.2016

Na osnovu člana 18. Stav 1. Zakona o javnim nabavkama („Službeni glasnik BIH“ broj 39/14), člana 37. Statuta Univerzitetskog kliničkog centra Sarajevo, člana 6 i 7 Pravilnika o javnim nabavkama broj 0202-30041 od 21.07.2015 godine Generalna direktorica donijela je:

#### **ODLUKU**

o pokretanju postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Siemens

#### **I**

Ovom odlukom odobrava se ponovno pokretanje postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Siemens. Nabavka iz prethodnog stava provest će se primjenom pregovaračkog postupka sa objavom obavještenja. Objava obavještenja o nabavci će se izvršiti na portalu E- nabavke Agencije za javne nabavke.

#### **II**

Za realizaciju nabavke iz člana 1. ove odluke odobravaju se finansijska sredstva u iznosu od 330.000,00 KM bez PDV-a za period od 12 (dvanaest) mjeseci. Sredstva iz prethodnog stava planirana su Planom nabavki za 2016 godinu redni broj 65 „Usluge“ i 68 „Robe“ (Odluka o usvajanju Plana javnih nabavki KCUS Sarajevo za 2016 godinu, broj 0202-25301 od 16.06.2016 godine). Uslovi plaćanja će biti predmetom pregovaračkog postupka.

#### **III**

Realizacija nabavke iz člana 1. ove odluke provest će Služba za javne nabavke, skladištenje i realizaciju nabavke putem Komsije za provođenje postupka javne nabavke u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

#### **IV**

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a.

#### **V**

Odluka stupa na snagu danom donošenja.

#### **OBRAZLOŽENJE**

Tehnički sektor, Služba za održavanje medicinskih uređaja obratila se putem Službe za javne nabavke, skladištenje i realizaciju nabavki KCUS-a sa zahtjevom za pokretanje postupka javne nabavke broj 1104-42254 od 10.10.2016 godine za donošenje Odluke o provođenju postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Siemens . Procjenjena vrijednost nabavke je 330.000,00 KM bez PDV-a.

Postupak nabavke je prvobitno pokrenut dana 19.10.2016 godine Odlukom o pokretanju broj 0203-44108. Prva faza - faza predkvalifikacije održana je dana 21.11.2016 godine. Na osnovu izvještaja Komisije za javne nabavke broj 0305-50601 od 24.11.2016 godine Generalna direktorica je donijela Odluku o poništenju postupka javne nabavke a u skladu sa članom 68. stav 4. tačka i) Zakona o javnim nabavkama.

MB  
A

Analizirajući predmetni zahtjev i uzimajući u obzir gore navedene činjenice, nadležna Služba utvrdila je da su ispunjene sve pretpostavke za ponovno pokretanje postupka, te je shodno Zakonu o javnim nabavkama, te usvojenim općim aktima ugovornog organa dostavio predmetni zahtjev Generalnoj direktorici na konačno odobravanje .

Cijeneći navedeno donesena je odluka kao u dispozitivu.



GENERALNA DIREKTORICA:

Prof.dr. Sebiha Izetbegović

*Handwritten signatures and initials in the bottom left corner.*